

17 Julie 2014

Jaargang 7 – Uitgawe 22

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za



Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html
Indien u nie weer die e-Hervormer wil ontvang nie, stuur 'n e-pos na karen@nhk.co.za



VOORBLAD

Susters dinamies vorentoe

Dinamies vorentoe... Dit staan op die logo van die NHSV. En met die 47ste Nasionale Kongres wat vanaand 'n aanvang neem, is dit steeds duidelik: Vroue is dinamies werksaam in elke gemeente van die NHK.

Vroue in die Kerk lewer reeds vir langer as 'n eeu onbaatsugtig diens aan hul medegelowiges. Die struktuur wat deur die Algemene Kerkvergadering daargestel is, die NHSV, is byna 75 jaar oud. Met dit in gedagte is die tema van die Kongres geneem uit Psalm 16: 6: *'n Pragtige deel is vir my afgemeet.*

Wanneer 'n mens terugkyk, is dit baie duidelik dat die rol van vroue in die NHK met verloop van tyd verander het. Aanvanklik het vrouegroepies in gemeentes spontaan die hand uitgereik na behoeftiges, verarmdes en verstrooides. Hierdie werksaamhede het mettertyd uitgebrei om, behalwe gemeentelike armsorg, ook fondse in te samel vir kerkgeboue, orrels, matte, die versorging van bejaardes, ensovoorts. Dit het tot gevolg gehad dat baie lidmate die NHSV as sinoniem met fondsinsameling geag het. Dit is egter 'n uitgediende standpunt.

Vrouelidmate is onlosmaaklik deel van die gesprek oor kerkwees. Tydens die Kongres word tyd ingeruim vir gesprek rondom vrouwees en kerkwees. Daar moet nuut gedink word oor die rol van vroue in die Kerk en in die gemeentes. Daar moet veral ag geslaan word op die behoeftes van vrouelidmate en wat ons kan doen om daardie behoeftes te hanteer.

Aspekte waarmee die vrouelidmate gekonfronteer word in haar daaglikse lewe, is in ag geneem. Dinamiese sprekers is gekies om vrouelidmate pitkos te gee:

Dr Wim Dreyer, voorsitter van die Kommissie van die AKV, open die Kongres met 'n oordenking. Hy lei ook die gesprek oor vrouwees en kerkwees.

Mev Marita Fourie: *NHSV 75 – 'n Kosbare pêrel.* Sy lewer 'n terugblik op die NHSV sodat dit wat goed was in die verlede, gebruik kan word om die toekoms op te bou.

Mev Elmien Botha: *Stoei met die gorilla... dis die moeite werd!* Sy deel die pakkie wat sy van God ontvang het, die lief en die leed, en hoe die deel wat sy ontvang het ook vir haar mooi is.

Ds Liesel Krause-Wiid: *Wanneer woorde ontbreek...* Die gesprek gaan oor trauma, hoe om beter te verstaan, te verwerk en uit te reik na ander.

Prof Stephan Joubert: *Hoop is 'n werkwoord!* Die dames word Saterdag weggestuur met die Goddelike opdrag om 'n verskil te gaan maak in hul eie leefwêreld.

Hierdie gesprekke gaan deurgetrek word na die streekkonferensies in 2015 waar vrouelidmate aktief sal meepraat en dink oor vrouwees in die kerk in ons moderne tyd. Vandaar die oproep....

Kom susters slaan die hande steeds vaster in mekaar tot troue liefde-arbeid om Christus ons geskaar...

Wil by ons swakke pogings, u liefde ons laat blyk, en deur ons diens bevorder, u heerlik Koninkryk!

Mev Tessa Coetzer
Voorsitter NHSV

BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas.



Prop Annézel Otto

Beroep aanvaar

- **Prop A (Annézel) Otto** (beroepafwagend) na Sionspoort (deeltyds)

Vakante standplaas

- **Gemeente Grimbeekpark** in Potchefstroom het 'n werksruimte vir **deeltydse bediening met gedeeltelike versorging** geskep wat **per werksooreenkoms jaarliks gevul** kan word. Die werkopdrag en samestelling van die versorgingsvoordele sal met geskikte aansoekers bespreek word. Benewens blootstelling aan ampswerk in die breë, is die vestiging en uitbou van jeugbediening en die bediening aan jong gesinne die primêre bedoeling van die opdrag. Die kerkraad behou die reg voor om ook kandidate wat nie aansoek doen nie, te oorweeg asook om die pos te vul wanneer dit geleë is. In oorleg met die hoof van die Hervormde Teologiese Kollege (HTK) kan 'n student in sy of haar finale jaar ook oorweeg word. Aansoeke kan gerig word aan die voorsitter van die komitee verantwoordelik vir die beroepswerksaamhede, oudl Phonnie Smit, by pbd.psmi@offinet.co.za. Aansoeke kan ingedien word **tot 18 Julie 2014**.

PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

- **Ds Martin Fouché** van Gemeente Riebeeckstad in Welkom **se vader** is Sondagaand 6 Julie in die ouderdom van 91 jaar oorlede. Die roudiens het op Donderdag 10 Julie in Reitz plaasgevind. Ons innige simpatie gaan aan ds Fouché en hul familie.
- Die kontaknummers van **Gemeente Heilbron** is nou: Kerkkantoor 058 852 1737 en ds Nico Brayshaw 058 852 3950.
- **TEOLOGIESE OPLEIDINGSFONDS**. Die AKV het besluit dat die **deurkollektes van Sondag 27 Julie en 3 Augustus** aan die Teologiese Opleidingsfonds afgestaan word. Gemeentes betaal dan die deurkollektes oor in die Fonds se rekening by ABSA: Teologiese Opleidingsfonds, rekeningnommer 404 863 2649.
- **September is Bloedskenkmaand** en ons wil graag soveel Hervormers moontlik daarby betrek. Dit sal interessant wees om uit te vind watter predikant, manlike lidmaat en vroulike lidmaat in die Nederduitse Hervormde Kerk al die meeste eenhede bloed geskenk het. Stuur asseblief 'n e-pos met BLOEDSKENK in die onderwerpreël aan egf@global.co.za en gee jou naam, hoeveel eenhede jy al geskenk het en in watter een van die gemelde drie kategorieë jy val. Wie weet, miskien kan daar 'n prys gewen word!
- Die **e-Hervormer** se nuusbrokkies oor die Hervormde Kerk word nou al vir meer as ses jaar elke week elektronies uitgestuur aan 'n groeiende leserspubliek. Maar *hoe ontvang jy jou e-Hervormer? En wanneer?* Het jy geweet dat *enigeen self* op die *e-Hervormer* kan inteken, en dat dit *gratis* is? Jy hoef nie te wag dat jou gemeente of familie of vriende dit vir jou aanstuur nie; jy kan *self* daarop inteken en dit ontvang sodra dit uitgestuur word. Stuur 'n e-pos aan karen@nhk.co.za met die boodskap "**Teken in op e-Hervormer**" as onderwerp. En as jy van vriende



of familie (in enige gemeente, in enige kerk, of op enige plek in die wêreld) weet wat ook graag die *e-Hervormer* sal wil lees, kan jy hulle gerus nooi om dieselfde te doen.

- **MENINGSPEILING OOR KOMMUNIKASIE IN DIE KERK.** SENTIK het 'n vraelys wat kan vasstel hoe effektief die kerklike kommunikasie is en wat lesers se mening oor die inhoud, formaat en waarde van die kerklike publikasies is, by die onderstaande skakel geplaas. Ons sal dit waardeer **indien ons lesers die vraelys sal invul** deur die toepaslike kode te omring. Verskaf asseblief ook die persoonlike inligting – individuele antwoorde sal vertroulik gehou word, en slegs gesamentlike statistieke sal bekendgemaak word. U naam sal dus nie aan u antwoorde verbind word nie. **Ons moet die voltooië vraelyste voor 24:00 op Vrydag 25 Julie ontvang.**

<http://www.itrresolutions.co.za/NHKA2014/vraelys.html>

- **VOEDSELNOODLENIGING IN DIE PLATINUMGORDEL.** Ds Neels van Tonder van Gemeente Buffelspoort skryf soos volg: “Die berig dat die staking verby is, het nie meegebring dat die krisis in die platinumgordel oor is nie. Kontrakteurs en subkontrakteurs is aangesê om vir minstens nog vier weke van die myne af te bly. Vir daardie gesinne beteken dit dat hulle steeds sonder inkomste sit. Sommige kontrakteurs het reeds kennis gekry dat hulle volledig afgelê word en dus geen werk meer het nie. Die nuusmedia berig nie oor hierdie gevolge nie. Ons het groot waardering vir hulp wat reeds aan die gesinne in die huidige Rustenburg-krisis verleen is. Ons wil steeds die vrymoedigheid neem om te vra dat gemeentes sal probeer om vol te hou met hulpverlening. Al die skenkings word in pakkies per gesin verpak. Klein verpakings van produkte maak die opmaak van kospakkies baie makliker. Eenhede van byvoorbeeld 750 ml olie, 1-2 kg suiker, ensomeer, is makliker om dadelik te verpak as produkte wat in groot mates of volumes kom. Wanneer die produkte in houers herverpak moet word, word die indruk geskep dat van hierdie produkte reeds oopgemaak of oud is.”

Tans het ons 'n ooraanbod aan meel – moet dus nie in hierdie stadium nog meel skenk nie. **Produkte waarmee lidmate kan help**, is die volgende:

Kookmiddels: Kookolie (verkieslik 750 ml), sout, peper, kruie en speserye.

Kos: Ontbytkos (weetbix, all bran, hawermout), beskuit, provita, koffie, suiker, tee, (milo of warm sjokolade as bederf), langlewemelk, eiers, kaas, weense worsies.

Wat met koelgeriewe gebring kan word: Gevriesde groente, vleis (soos hoenderstukkies).

Pasta: Spaghetti, macaroni, pastageurmiddels of -souse, pakkies sop.

Groente en blikkieskos: Gevriesde of vars groente, aartappels, boontjies, wortels, pampoen, patats.

Gedroogde produkte: Sousboontjies, rys, sojaboontjies, sojavleis, toppers.

Blikkies met vleis: Boeliebief, tuna, frikkadelle, worsies, sop, sardientjies.

Smeermiddels: Margarien, grondboontjiebotter, marmite, Bovril, konfynt.

Lekkernye (vir kinders): Lekkergoed, koeldrank, koekies, aartappelskyfies, pakkies grondboontjies en rosyntjies.

Babaprodukte: Babakos, babamelkpoeier, Purity, babadoeke, formulemelk, wet wipes, Vaseline, babalyfpoeier, babasjampoe, oorstokkies, babatandepasta en tandeborsels, babakomberse, komberse.

Toiletware: Seep, sjampoe en opknappers, skeerskuim, room, weggoibare skeermesse, deodorant, tandborsels, tandepasta, oorstokkies, Savlon, sanitêre doekies, toilet papier, waslappe, handdoeke.

Skoonmaakmiddels: Skottelgoedopwasmiddels, seeppoeier (500 g – 1 kg), kombuis- en badkamerskoonmaakmiddels soos Handy Andy, Domestos, Jik, besems, moppe, stoflappe, waslappe, vadoeke, Vim, staalwol, potskuurders, goldilocks.

Medisyne: Hoofpynpille, pynstillers vir kinders, Vicks, hoesmiddels, pleisters, verkouemedisyne.

Skoolbenodigdhede: Penne, potlode, uitveërs, inkleurpotlode, skryfblokke.
Dierekos: Hondekos, katkos, voëltjiesaad.

Finansiële bydraes:

- o Gemeentes kan bydra tot die Kerk se **Rampfonds** (Raad van Finansies, ABSA Bosmanstraat, tjekrekening 020 000 287, verwysing 16RAMP + donateur se naam).
- o Individue kan bydra tot Projek 21, ABSA, takkode 632005, tjekrekening 407 119 9298; vermeld asseblief jou naam en van op die oorbetaling.
- o Jy kan ook R20 skenk deur **RUST en jou naam** te SMS na 40156.

Vir verdere hulp of besonderhede kan **ds Neels van Tonder** gekontak word by 072 633 3367, of per e-pos by nvtonder@vodamail.co.za.

- **HULP AAN GEMEENTE IN BULAWAYO.** Persone wat die gemeente finansiëel wil ondersteun, kan ds Theuns Botha kontak by camelhors@gmail.com. Inbetalings kan gedoen word by ABSA, rekening Raad van Finansies, rekeningnommer 020-000-287, takkode: 632-005, verwysing 16BULA + naam (bv 16BULA Wapadrant). Gemeentes moet asseblief NET die gemeentenaam of individu se voorletters en van intik. Betalingsbewyse kan gestuur word na ds Theuns Botha by e-posadres camelhors@gmail.com. U kan ook aansluit by hul "Facebookblad-lidmate" by <https://www.facebook.com/pages/Afrikaanse-Samewerkende-Kerke-BulawayoDutch-Reformed-Churches/137302096362582>

- **HOOF: HERVORMDE TEOLOGIESE KOLLEGE**

Die Nederduitse Hervormde Kerk van Afrika wag aansoeke in vir die pos van **Hoof van die HTK** wat gesetel is aan die Universiteit van Pretoria. Die pos moet gevul word vanaf 2015.

Van die Hoof van die HTK sal onder andere die volgende verwag word:

- o Praktijkvorming van teologiese studente met die oog op gemeentelike bediening in die NHKA.
- o Ontwikkeling van 'n toepaslike kurrikulum vir die HTK ten opsigte van praktijkvorming.
- o Ontwikkeling van toepaslike kursusmateriaal vir gemeentes en predikante.
- o Toerusting van ampsdraers en lidmate.
- o Fasilitering van bepaalde prosesse in gemeentes.
- o Ontwikkeling van bedieningsvaardighede van predikante.
- o Ontwikkeling van leierskapsvaardighede.
- o Skakeling met soortgelyke kolleges en opleidingsentra in die binne- en buiteland.
- o Oorhoofse bestuur van die *Hervormde Teologiese Studies (HTS)* in samewerking met die redakteur en redaksie.

Die geskikte kandidaat sal aan die volgende vereistes voldoen:

- o 'n Geordende predikant van die Nederduitse Hervormde Kerk van Afrika.
- o Oor 'n Doktorsgraad in die teologie beskik.
- o 'n PhD in Praktiese Teologie en 'n kwalifikasie in Bestuurswetenskap sal aanbevelings wees.
- o Moet gesonde en gebalanseerde interpersoonlike verhoudings handhaaf en teologiese studente pastoraal kan begelei.
- o Op die hoogte wees van die huidige teologiese diskoers en daaraan kan deelneem.
- o Rekenaarvaardig wees.

Aansoekers moet die volgende dokumente indien:

- o Volledige CV.
- o Gesertifiseerde kopieë van kwalifikasies.
- o Name en kontakbesonderhede van twee referente.
- o 'n Selfevaluering van hoogstens een bladsy.
- o 'n Visie vir die uitbou van die HTK. Inligting oor die HTK is beskikbaar by piet@nhk.co.za.

Van kandidate mag verwag word om 'n MBTI-vraelys te voltooi.



Die pos bied die volgende voordele:

- o 'n Kontrakaanstelling vir 5 jaar.
- o Traktement in lyn met die Kerk se skale.
- o Behuisingstoelaag.
- o Verlof soos per verlofreglement van predikante in die Kerkorde (langverlof is nie van toepassing op hierdie pos nie).
- o Motortoelaag.

Aansoeke moet **voor of op 31 Julie 2014** ingedien word by mnr Piet Beukes, per faks by 086 630 5150 of per e-pos by piet@nhk.co.za.

• HALFDAG SEKRETARIËLE POS: GEMEENTE NABOOMSPRUIT

- o Volledig Afrikaans en Engels magtig
- o Akkuraat en georganiseerd
- o Vriendelik, eerlik en betroubaar
- o Rekenaarvaardig
- o Goeie administratiewe vaardighede
- o Koördinering van funksies vorm deel van die pos
- o Ondervinding sterk aanbeveel

Handig aansoeke in by die gemeentelike kerkkantoor of e-pos aansoek met CV na nhknbs@telkomsa.net
Navrae: 014 743 1325

Spesiale eredienste en feesnaweke

• Sondag 27 Julie: Gemeente Klerksdorp-Suid Bevestiging van ds Denise Schmidt

Dr André Ungerer sal die Kommissie van die AKV verteenwoordig

• Sondag 14 September: Gemeente Swartkop Emeritaataanvaarding van ds Dries Beukes

Prof Theuns Dreyer sal namens die Kommissie van die AKV optree
Mnr Elmar Struwig sal namens die Raad van Finansies groete oordra
Oudl Jan Beukes van die Kommissie van die AKV (en broer van ds Dries) sal ook teenwoordig wees



Ds Denise Schmidt Ds Dries Beukes

Nog 'n gedig vir die winter

Winter

*Nou lê die aarde nagtelang en week
in die donker stil genade van die reën,
en skemer huise en takke daeliks bleek
deur die wit mistigheid en suising heen.
Dis alles ryk en rustig van die swaar
geheime wasdom wat sy paaie vind
deur warm aarde na elke skeut en blaar,
en ver en naby alles duister bind
in vog en vrugbaarheid en groot verlange;
tot ons 'n helder middag skielik sien
die gras blink, en die jong graan teen die hange,
en weet dat alle rus die lewe dien:
hoe kon ek dink dat somer ryker is
as hierdie groei se stil geheimenis?*

NP van Wyk Louw

(Vier gebede by jaargetye in die Boland. Mei-Julie 1937. Uit: Versamelde gedigte 1981)



Predikanteverjaardae

- **Die volgende predikante verjaar tot 25 Julie, en word hartlik geluk gewens:**
 - Donderdag 17 Julie: Di W (Willem) Dykema (Bloemfontein), JJ (Johan) Greyling (Tarlton) en JF (Hannes) van der Merwe (Pretoria-Oos)
 - Sondag 20 Julie: Ds MM (Mari) du Plessis-Manders (Suidoos-Witbank) en dr GJ (Gert) Volschenk (buiteland)
 - Maandag 21 Julie: Di JA (Hannes) Jansen van Rensburg (Brakpan-Harmonie), SFC (Coetzee) Ras (Edenvale) en AJ (Adam) Zwarts (emeritus)
 - Dinsdag 22 Julie: Ds FGJ (Kalfie) Loots (emeritus)
 - Woensdag 23 Julie: Ds J (Juanita) du Preez (Pierneef)
 - Donderdag 24 Julie: Ds PJHS (Henk) Pienaar (Bosmansrust)

Beplande vergaderings

- 17 tot 19 Julie: NHSV Kongres
- Maandag 21 Julie: Kernkomitee: Finansies en Administrasie
- Dinsdag 22 Julie: ADV Kommunikasie
Beurskomitee
Komitee vir Herskrywing van Kerkorde
- Woensdag 23 Julie: OSR Bestuursvergadering
- Donderdag 24 Julie: Redaksie van *Die Hervormer*
ADV Finkom
Bejaardesorg Bestuurskomitee
- Vrydag 25 Julie: Moderamen
OSR Finkom
SP Engelbrecht-museum

Allegaatjie

Baie mense se reputasie sal nie hul karakter herken as hulle mekaar op straat sou raakloop nie. (Elbert Hubbard)

Beskikbare behuising

- **Behuising vir en versorging van bejaarde persone**
Kontak Hannelie Fourie van Ons Tuis en Monumenttehuise (OTMT)
012 325 1857 x202 / www.otmt.org
- **Kamers vir selfversorgende bejaardes**
Huis Tafelberger in Monte Vista, Kaapstad
Navrae aan mev Anna Hanekom by 021 872 6301
of ds Kathleen Smith by 021 551 5264

Konserte en feeste

- **Vrydag 1 Augustus: Gemeente Bronkhorstspuit
Musiekaand met Jakkie Louw**
Plek: De Oude Werf
Tyd: 18:30 vir 19:00
Kaartjies: R100 per persoon, R50 vir laerskoolkinders
Navrae: 013 932 2929 / 083 448 9563
- **Saterdag 23 Augustus: Gemeente Noordelike Pretoria word 80
Optrede van Liza Brönnner**
10:00 in die kerkgebou



Daarna plaasontbyt en lekker kuier (sap en koffie ingesluit)
R100 vir volwassenes, R60 vir persone bo 65 en laerskoolkinders
(voorskoolkinders gratis)
12de Laan 512, Gezina, Pretoria
Bespreek vroegtydig by Marian Jordaan 082 937 7562
of gemeentelike kerkkantoor 012 335 9148

- **Vrydag 5 September: Gemeente Montana
Konsert met Burgerd en Zita**
Ten bate van barmhartigheid in ring van Noordelike Pretoria
Wegneemetes vanaf 17:00, konsert 18:30
Volwassenes R80, kinders R30
Kaartjies beskikbaar by Montana-kerkkantoor 012 567 1753

Kampe en toere

- **Konteks-leserstoer na Turkye: Vertrek 5 Oktober**
15 dae op die voetspore van die eerste Christene
Toerleier: Ds Dries Beukes
012 654 3198 / 083 447 7943
Vir meer inligting, kontak Louise Geyser (formele reisagent)
012 361 0579 / 082 560 4279 / louise.geyser@absamail.co.za
Gaan na www.konteks.co.za → Inligting en skakels → Konteks-leserstoer
vir volledige inligting en besprekingsvorm

Kompetisies en fondsinsamelings

- **Gemeente Rooihuiskraal: 4x4-pretdag vir die hele gesin
Saterdag 2 Augustus**
'n Kosstalletjie en springkasteel vir kinders met volwasse toesig
terwyl ouers die roete ry
Inligting en besprekingsvorms by www.ebs4x4.co.za
- **Gemeente Witfield: Fondsinsameling**
18 pragtige liggewig kaskarre gebou van pyp en aluminiumplate
Te huur @ R400 per kaskar of R5 000 vir 18 kaskarre
Kontak ds Theo Janse van Nieuwenhuizen by 083 232 5101 / 011 826 4017
of Alida Reed by 082 228 3552
of skakel kantoor op Dinsdae, Woensdae of Vrydae tussen 09:30 en 14:30
by 011 826 4625
- **Gemeente Sasolburg-Suid: Vakansie te wen
15-19 September 2014**
Selfsorg by Crystal Springs vir 4 volwassenes en twee kinders
Slegs R50
As jy kan doen met 'n blaaskans, kontak Tobie by 083 327 1500
- **Bulawayo: Gemeente-hulpfonds 2014: Kompetisie**
Vir pastorale bediening aan bejaarde en behoeftige lidmate
Wen vleis of kontant – vleis sal deur u naaste slaghuis gelewer word
Inskrywings in veelvoude van R20
Trekking Saterdag 6 September 2014
Navrae aan Marlene van der Merwe in Pretoria: 072 436 6714

Basaars en markte

- **Saterdag 30 Augustus: Gemeente Mafeking: Basaar**
Tema: *Reënboogfees*
09:00 tot 15:00 op die kerkterrein, hv Tillardstraat en Nelson Mandelaweg

Snuisterye, handwerkartikels, tuisgebak, plante en troeteldiere te koop
Speletjies vir die jongspan

Veiling van onder andere plaaslik vervaardigde houtwerkartikels

Besoek die restaurant en kosstalletjies – uitsluitlik deur gemeentelede bedryf

Navrae oor fees aan Kallie en Nelia Landsberg

079 893 9031 / 083 665 6239

Nie-kosstalletjies teen R200 elk beskikbaar

Kontak Magda by 0828251913 of magda.redelinghuys@gmail.com

ANDER NUUS

- Die **Ondersteuningsraad (OSR)** as welsynsorganisasie van die Hervormde Kerk het amptelik as **SEB-organisasie** geregistreer (*BEE: Black Economic Empowerment*). Hierdie registrasiesertifikaat kan van mev Ansie Cromhout by 012 322 8885 x290 of oraad@nhk.co.za aangevra word indien enige persone/ instansies/maatskappye donasies/skenkings wil maak. Al meer donateurs is slegs geneë om skenkings te maak aan welsynsorganisasies wat SEB-status het. Met die OSR se SEB-status sal daadwerklik gepoog word om meer donateurs te werf om die finansiële volhoubaarheid van die OSR te probeer verseker.
- **Donderdag 31 Julie 17:00 tot 22:00**
Konferensie: Die Belydenis en die onderwys
By Gereformeerde Kerk Die Kandelaar
Ligte ete beskikbaar teen R30
Bespreek vooraf vir ete by 012 332 4535 /
kerkkantoor@gkkandelaar.co.za

Wonderwêreld

*Draai om –
die koninkryk
is naby!*

R59,⁹⁵

In *Wonderwêreld* neem die skrywers ons op 'n reis van bekering en verwondering, wat ons dieper inlei in die wonderwêreld van God wat in Jesus naby aan ons gekom het. Ons raak bewus van die uniekheid van God se koninkryk, wat radikaal anders is as enige ander ryk. En ons word genooi om die boodskap van God se heerskappy soos dit in Jesus gestalte gekry het aan alle mense te gaan vertel.

E-aankope: www.bybelmedia.co.za
Kontaknommer: 0860 26 33 42

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskaartjie wees nie. Stuur die voorgestelde teks van nie meer as 110 woorde met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R150 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads. Neem asseblief kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

AGTERBLAD

Gebed vir die week

Here, dink aan u kerk.
Onthou tog om haar te verlos van die bose
en om haar in u liefde te vervolmaak.
Bring vanuit die vier windrigtings
haar geheiligdes na u koninkryk
want aan U behoort die krag en die heerlikheid
tot in ewigheid.
(Die Didache c 100)

